

نبد الكتاب 6\4 فريد الأنصاري irasnAla diraF

فريد الأنصاري

ولذلك اهل المنكر في المجتمعات لي معندهاش قابلية للمنكر اهل المنكر الناس الفساق والفجار داخل المجتمعات لي معندهاش قابلية المنكر. كيكونو مخبئين مكيدروش يبانو في زمان سيدنا محمد عليه الصلاة والسلام كانوا الزناة. واحدوا الزنا نفذ في صحابية وصحابي. يعني في الجيل ديال ديال سيدنا محمد عليه الصلاة والسلام - [00:00:00](#)

كانوا اهل الخمر كلشي كان لكن كان مخبى ما كيخرجش للسطح. لأن البيئة ما قابلاش ما قابلاش الإنحراف لكن لما كتولي البيئة قبل الانحراف كيطلع داك الوسخ مع الاسف كيطلع كلو للفوق وكيبان ويتحدى - [00:00:24](#)

فيتكاثر يتكاثر حتى يعم المجتمع كله الا من رحم الله ولذلك قال الحق سبحانه وتعالى اوكلما عاهدوا عهدا نبذه فريق منهم كتمشي واحد الطائفة من اليهود وهوما كيكسرو كيباردو لتكسير ديك العهود - [00:00:43](#)

فعلا كيديرو اعلان لمحاربة الله تعالى ورفض رفض الحقائق الإيمانية. ولكن ربي كيقلول ليهود ولكن راه نتوما كاملين او الأغلبية ديالكم. عاجبكم داكشي غي ما فيكمش الزعامة ديال هادوك الكفار الكبار. غي الزعامة ناقصة. اما القابلية كايئة بل اكثرهم لا يمل - [00:00:58](#)

هذا قانون ايضا من قوانين القرآن الكريم القانون هنا بمعنى يعني السنة الإجتماعية قانون اجتماعي ملي تبتهها القرآن الكريم فلا يظهر فسق في المجتمع شدة او كابورا او صغر الا وفيه دليل على ان المجتمع عندو قابلية لداك الفسق - [00:01:17](#)

يعني انه المجتمع نحت نحت لدرجة انه يظهر فيه ديك الفسق ما كاين مشكل وهذا الشيء واضح جدا مجتمعا دال عليه واحوالنا تنطق بهذا صراحة فلذلك في الحقيقة لما تشوف واحد الجريمة بواحد الشكل بشع راه ماشي داك المجرم بوحدو خصو يتلام - [00:01:37](#)

راه تؤخذ الجماعة بجرم الواحد لأن الجماعة كتساهم فصناعة هداك الجريمة لأن هي تهيأت الظروف هي هيت الظروف لي صنعت هداك النوع ديال الإجرام ولذلك قال الحق سبحانه وتعالى واذا اردنا ان نهلك قرية امرنا مترفيها ففسقوا فيها - [00:01:56](#)

حقا عليها القول فدمرناها تدميرا. متى يحق القول؟ ملي كتكون قابلية للفساد فالمجتمع. ماشي معنتها ان الصالحين مكايينش كايينين ولكن العامة القابلية للفساد وهو حديث رسول الله عليه الصلاة والسلام حينما سألته السائلة انهلك وفيها الصالحون؟ قال نعم اذا كثر - [00:02:21](#)

الخبث كل هاد الأحاديث والآيات كتعبر على هاد القانون وكلما عاهدوا عهدا نبذه فريق منهم بل اكثرهم بل الاضراب بمعنى عنداك توههم بل باش ما توههمش ديك فريق بمعنى انه غير قليل لي كيديرو داكشي وفيين دوك كتار لا كيقلولك غير متوههمش هاد الوهم هدا ففريق يعني كيتزعمو الجريمة ولكن - [00:02:41](#)

اكترهم قابلين للجريمة فهذا فعلا من السنن التي نبهها الله جل وعلا على ان المؤمن اذا اراد ان ينظر الى مجتمعه بعين الصلاح والاصلاح او من كان في قلبه خير - [00:03:05](#)

وايمان ويريد لبيئة ان تكون صالحة عليه ان ينظر بهذا الميزان هاد الميزان يعني ميزان انه الفواحش متوليشي شائعة ان الذين يحبون ان تشيع الفاحشة في الذين امنوا لهم عذاب اليم في الدنيا والخرة - [00:03:20](#)

يعني شيوع الفاحشة هو لي خطير جدا اما الفاحشة فحد داتها نعم هي خطيرة ولكن على صاحبها انما ملي تولي شائعة كتولي خطيرة على المجتمع كلو كدمر البيئة ولهذا تجدون ان العقوبات والحدود غالبا غالبا ما كطبق في الحالة ديال الاعلان والاشهار بها -

يعني لانه يعني الزنا مثلا اللي هو يعني رمز ديال الفساد الخلقي سبحانه الله العظيم معروف يعني عند الفقهاء من النصوص الحديثية والآيات القرآنية جميعا انهم ما يطبق الا عند شهادة اربع - 00:04:03

شهداء ربعة الشهداء تتطابق كما قال العلماء واقوالهم الاقوال ديالهم كطابق على وصفي الحالي والزمانى والمكاني والوضعي كلشي. فإذا اختلفوا غير شوية كترفض الشهادة ديالهم. ربعة الشهود شكون هذا في الخيال لي وقع في الزنا ويشهدوا عليه اربعة الشهود كلهم تتطابق اقوالهم ان لقينا فلان وفلانة في المكان - 00:04:18

في الساعة الفلانية والزمن الفلاني. وعلى الهيئة والحالة الفلانية. مستحيل مستحيل هادشي هادا تكون فحالة واحدة ممكن يعني لما هادوك الزناة مبقا عندهم غرض بحد لي يشوف لي بغا يشوف - 00:04:48

اذن هذا مباحث يعني ذنب كيديرو هداك لراسو. لا كيديرو للمجتمع بمعنى انه الفاحشة باغي يصدرها يعممها. للناس كاملين. هنا الإسلام كيحي ويضرب عليه كيضرب عليه لأن اش كيعاقب؟ كيعاقب فالحقيقة شيوع الفاحشة ان الذين يحبون ان تشيع الفاحشة في الذين امنوا - 00:05:03

والا فالله عز وجل يأمر بالستر ولذلك الأحاديث ان من ستر عبده المؤمن او ستر على اخيه المؤمن من ستر اخاه المؤمن او من ستر على اخيه المؤمن يعني كل احوال ديال التستر على اصحاب يعني الخطايا مطلوبة من اجل العفو ومن اجل الصفحة - 00:05:24 عسى الله ان يتوب عنهم حتى السارق لا تقطع يده الا بعد رفعه الى القاضي اما قبل ذلك المطلوب هو العفو. وحتى القتل مطلوب يعني من من ولي المقتول ان يعفو. اذا استطاع وفعل ذلك فله اجر عظيم - 00:05:44

الى غير ذلك كثير كثير من اقال مؤمنا صفقته اقال الله عسرتة يوم القيامة. تا في الأمور ديال المصاريف المالية العفو دائما مطلوب لكن ملي يولي الأمر ان هاد المجرم ماشي الغرض ديالو هو انه فقط يرتكب الذنب الذنب بينو وبين مولاه لا الغرض ديالو -

يرتكب الذنب ها واحد عندو غرض اخر خطير. خص الناس كاملين يديرو بحالو. هذا مجرم. مجرم حقيقي يعني باغي يفسد البلاد كلها ولهذا رب العالمين كينبها لهاد الخطورة هادي بل اكثرهم فاسقون - 00:06:24

را دوك لي دارو الجريمة ماشي دارو الجريمة لأنهم يعني هم مجرمون وحسب ولكن بلادهم باغية هداكشي. وعموم الناس عاجبهم هداكشي فلذلك الظواهر لا تعالج الا في كليتها وشمولييتها الولادة بزاف ديال المومنين سبحانه الله العظيم كيبدأ يؤكد على بعض المشكلات يقولك لا خصك تقول لفلان هادي وقول لفلان هادي - 00:06:42

كاين بعض الأشياء لي كيكون من العبث من العادة انك تناولها في الجانب الجزئي ديالها خصك تناولها يعني كظاهرة اجتماعية كاملة لأن نهار كتبدل الثقافة العامة ديال البلاد راه الجزئيات كتباع. حقيقة ان الكلية لا يكتمل بشكل حقيقي الا بجزئياته - 00:07:04 ولكن الاساس في مخاطبة الفساد هو البيئة كلها باش ما ديرش الفساد وما تقبلش الفساد فيها وتحافظ هذا هو الأساس تحافظ على الذوق النقدي يعني تشوف المنكر فنفسك يجيك منكر وما يعجبكش. ماشي تقول عادي او ربما تستلذ هو تستحليه. هادي مرحلة اخطر. وهذا معنى قول رسول الله عليه الصلاة - 00:07:23

السلام فإن لم يستطع فقلبه بقلبي انك نفسيا انت لا تقر المنكر. وكيجيك هداك المنكر خطر. وسيء ماشي عادي ماشي طبيعي لكن مع الأسف لما كتنشوفو المنكر اليوم وغدا وبعد غدا ولو قدرة لنا على التغيير باليد كما بيناه قبل وهو التغيير الشامل - 00:07:49 ولا باللسان وهو التنبيه بالكلام بأي طريقة كان بالكتابة بالخطابة بالتربية لا قدرة لها لهذا يعني فبعض الحالات - 00:08:12